



16831

研
堂
詩
稿

花外散吟附

序

詩盛於唐既李杜為宗人知之矣亦知融之原

三百篇而下魏晉作者林立淵明稱氣何剛惟

其真也真本性情流露不藉文辭粉飾唐白樂

元幾人誠實洞達故作詩多率其真宋蘇長公

素最樂天肯效之而白有效陶潛體詩蘇有

和陶集豈知兩公皆從其性之所近而舉心於

陶者也後之人非性不漓而情無偽者安能望

趙序

其涯涘而窺其閫奧與思陵研堂楊君向望京

師予神交者有年矣比佐魏江左以分校尋其

學顛卷既薦瀆紕研堂敦古遺命顛來謁予且

出研堂稿見示予始得讀其詩而知其心蓋達

夔知命任真之君子也故發為詩歌清機妙理

大雅博物要歸於真呂視香山玉局境墜不同

而襟懷剽一晚夏霖意當在省曠自怡始駸上

乎五柳之高風矣空其詩之不沾上規撫一家

而氣味有非三家適合者與今歲予將呂老疾
太顛復來視予旣又請曰家君誣非後輯成若
千卷敢乞先生一言以俟序予雖不能詩而未
嘗不知詩人之性情故雖未覲研堂而旣讀其
詩知其誣之真卽知研堂之性情矣曰推其性
之所近而次第其語呂韞之康熙庚子穉七月
初吉宛平古愚老人趙東旭琴題

趙序

舊序一

自予之去常州而常州諸子之詩爲極盛大抵非及吾門即多吾故人子弟楊子地臣其一也今年春余到常州地臣錄其近詩請益於余余何以益地臣哉兩年以來蘇松憲府史容齋先生闢講學之席於城西書院辟予主其席詩業頗荒夫詩業之荒正講學之業荒也何也詩之爲教所以貫串六經根本性情之物也是故周禮大師之職掌教六詩小師之職掌諷誦詩古以詩教即以詩學子夏因論詩而知學子貢因論學而知詩夫

舊序

詩上之學無時而不見而我有不見之時學中之詩無時而不聞而我有不聞之時非離乎學以爲詩即泥乎詩以爲學其業日勤其荒日甚直能爲詩者必原乎詩之所以然關繫五際調劑六情道有相資理歸一致孔穎達曰感天地動鬼神莫近乎詩詩之爲利也博而其爲見見聞聞也精矣地臣曩在乃祖青巖大叅公膝上含飴嚼字景陽之錦一匹佐公之管青鏤爲大叅公所鍾愛十三升博士之堂稍長對大廷之問吾見其人吾聞其語金聲玉色周情孔思放而之於四始六義唐虞

以來只此賡歌左契二南而降無非律呂交盤但涉其
粗跡則荷蓑荷笠或寢或訛而知其解者則我泉我池
我陵我阿矣知地臣之世其詩學也久然則詩固吾儒
不可一日而荒也願相與勗而進之康熙丙子春三月
虞山八十五翁錢陸燦書

舊序

二

虞山八十五翁錢陸燦書

不下一日而荒也願相與勗而進之康熙丙子春三月

虞山八十五翁錢陸燦書

不下一日而荒也願相與勗而進之康熙丙子春三月

虞山八十五翁錢陸燦書

題辭

初夏晤楊子地臣兼讀其詩喜而有作

老似殘春嬾似雲
閉門人跡靜無聞
一朝客到
真佳士十載心期識
有君雪在詩中飛
作片波
生字裏自成文
於今華國須才日
此去知空冀
北群

小園飲餞地臣即用留別韻賦贈

攜雲穿磴喜相過
野鳥呼林似作歌
山入小窓

題辭

皆石友松吟遠籟起
風婆拏煙弄水塵心靜
別港移舟爽氣多
三斗村醪能醉客
當杯不醉欲如何

坐中有客是文星
詩裏開山勝五丁
寫出千秋無假借
收來萬卷有餘零
逸情慣向閒中得
倦眼偏於冷處醒
飲罷灘頭人欲去
夕陽恰照一峯青

平原柳村老人董訥

研堂詩目錄

卷之一 存管集

古今體詩五十五首

卷之二 存管集

古今體詩七十六首

卷之三 存管集

古今體詩五十三首

卷之四

律陶詩二十五首

附題言
四首

已上第一冊

研堂詩目錄

一

卷之五 括囊集

古今體詩六十四首

卷之六 飴庭集

古今體詩四十二首

卷之七 琴餘集

古今體詩二十七首

卷之八 南邱佃漁集

古今體詩二十五首

卷之九 復醉集

古今體詩四十六首

附聯句
四首

卷之十 復醉集

古今體詩三十六首

附聯句
一首

附贈言各體二十五首

已上第二冊

續橐

卷之一 澹香池上集

古今體詩六十二首

聯句
摘附

卷之二 提杖集

古今體詩八十七首

附和韻十四首
聯句一首

研堂詩目錄

二

附贈言各體四首

已上第三冊

晚橐

內和陶凡二十四首

卷之一 栖雲集

古今體詩四十八首

附和韻
一首

卷之二 碧天池上集

古今體詩八十九首

附分韻二首
聯句一首

拾遺二十四首

附贈言各體四十首

已上第四冊

花外散吟古今體詩二百九十六首

附詩贈言聯句
各體二十首

贈定安學長先生八十壽序

昔陶靖節先生不樂以心為形役令彭澤不數旬輒賦歸去來辭遂其高卧羲皇舒嘯東臯之志有唐天寶中白傅樂天則又乞身強健退居十有五年日與其朋友元劉諸公飲酒賦詩盡山水園池之勝迄今讀其醉吟先生傳及池上篇冲淡閑逸世故不櫻於心故從容耆壽晚乃與胡吉鄭劉盧張等六賢於履道坊合成尚齒會有七人五百七十歲之句又有洛陽遺老李元爽歸洛僧如滿亦來斯會好事者繪為

贈言

九老之圖以垂不朽至宋陳搏希夷隱華山辭太宗之召林逋和靖隱孤山詔聘未及若眉山蘇氏長公東坡次公樂城初雖羈縻翰苑卒乃辭歸田野與晁無咎秦少游陳季常諸君詩酒往還時有蘓門六君子之目又得方外了元有太平時代自由身之句而蘓氏二晁皆得壽考迺知自由身者得壽之根也此數公者皆高懷散朗脫造化之韁解利名之紐故能坐致期頤視世之馳逐腥羶浮沉苟得末由企其芳躅矣乃有生同里閨業同志同而糝糠塵務養性愛

閒可以追踪昔賢者則

定安先生是先生跌宕詞塲自少即以詩文播海內
當代知名士咸願與之交願雖掛名選人而性安恬
適見趨走榮利者筋骨勞攘形骸憔悴起居動息俱
不得自由每目笑之因絕意進取以飲酒賦詩聚天
倫之樂為自喻適志居常杜門却掃足跡不出戶庭
惟擁書萬卷彈琴一曲與二三知己栖遲泉石商榷
古今蓋已蟬蛻濁穢不受一切牢籠乃能收拾身心
都無拘縛予與先生交最久先生故饒竹林茂樹池

贈言

二

館亭臺堪與履道坊相甲又平生雅慕香山曩嘗與
諸同人聯醉吟之社予亦得附後塵而相知尤密見
先生詩文皆自真性情流露洋溢楮墨間若素堂偶
筆研堂詩稿俟後編諸集曾不揣踈陋為序而行之
竊願如平泉客皇甫明之輩共香山長謝人間事為
汗漫遊耳乃俗緣相迫誤落塵網與先生睽隔一十
六年雖株守寒窗差無案牘簿書之鞅掌然一官匏
繫常恨不得自由閒時偃卧蕭齋咏靖節歸田園之
什默而內慚因追念昔日坐花國登硯堂分題角韻

酒醑以往獨羨先生長有物外逍遙之趣予少先生
六歲迨予投老翹閒而先生春秋八十矣予既與先
生夙稱莫逆值諸戚族躋堂介壽又幸予得解組故
人重晤握手歡然其可無一言以侑之乎惟先生清
虛靜恭外物以累心不存神氣以醇白獨著無意於
養生而思慮凝閱平粹真純固上有壽得諸自然之
理且晉之陶徵士唐之白太傅宋之蘓長公次公俱
略受鬻羈出而後悔而先生獨未嘗一日屑褻章服
拜上官作塵容俗狀若與希夷和靖相似則其曠情

贈言

三

達識較昔人何如而一畝之宅五畝之園長歌散懷
舉杯嘯傲即以追配樂天詎有惡哉今先生耳目如
舊神明不衰蘭玉在庭琴樽在御而予以數十季老
友亦喜得以無事之身復晨夕過從少補一十六年
之契濶先生尚其小住數十年以其益壽延齡之術
授我也昔

乾隆十年乙丑中秋後五日同學弟呂廷鷓拜撰

研堂詩卷一



楊維坤地臣

存管集

登君山有懷席帽霞客二山人

并引

乙亥陽月四郡同人江上讌集命題限五古子追

用坡公巫山三十九韻以應

君山最高頂石迹嵐層起勁風息晴和寒林轉蔥翠古
亭景物移丹樓結構偉吾性故好遊鬱居便不遂出則
屐齒折往往到幽邃巉崖豈心驚洪濤何病悸常羨蘇

研堂詩卷一

一

子由山川廣志氣此地非絕磴快聽江聲沸漁師膽如
鐵觸浪曾無畏浮沉慨中流稅駕當素位決昔渺世界
開胷羅莽史緬彼楚春申傳誦良有以上客躡明珠下
陳貫文帔身沒勢亦盡山魍哀其意曠代生逸民束帛
招不至富貴草頭露何須以身試席帽標奇峰犁耨詎
相類鴻飛入吳淞鶴和攜童穉規地號最閒灌園心稱
是墻銘自爲製百歲如寄爾府掾輕於毛泥塗寧曳尾
令生戰國時眼底無趙使長恨叟兩朝那願畱名字黍
離故墟悲梧谿詩卷記寂寂二百年孤蹤續徐子徐子

縱遊人往復如織綺
忍飢冒叢菁力疾廢懸絀
賭命按龍湫
罡風了無忌
栖巖麋鹿繞採藥
煙雲膩岷源
陋蠡測冥按得精髓
水脈及山經
清談沁人胃
仙槎駕鑿空佛灑叅拽鼻
自謂老布衣
小隱傲朝市
而復念故人
據牀嘻矣憊
絕域歸考終
未聞歎折辭
周遮兩軼事
傾耳共興喟
飛槍任逍遙
塵網抉名利
谷神何有鄉
長生亦敞屣
弋釣儘爲娛
庶幾樂忘死

次韻奉誚諸公垂示之作

并引

歲在旃蒙淵獻長至前五日乃余三衰之辰自笑

研堂詩卷一

二

鬚顛如戟世味泊然每欲走五嶽
周四游而足裹不葑矣
勉赴蓉江科錄是日正在風檐
旣歸吾友道柔陳子首賜瑶章
諸同人繼聲迭和積成卷帙
激揚獎借殊媿非分
依韻率成二律以銘百朋之

感云爾

三十年來汨俗塵身宮磨蠹我生辰
一陽葭琯催過客四海萍蹤媿實賓
窘步却思還故轍夢遊何處出迷津
螢乾蠹老空愁坐且作看山踏雪人

任他長轡絕奔塵
寂守荒齋不記辰
執戟浪傳揚子宅

埽花時駐杜家賓
愛看麋鹿能忘世
怕向星霜罷問津
甲子從今已過半
殘編旋見白頭人

歲暮雜感用虞山錢湘靈先生韻效長慶放言

五首

一望寒雲縵雪天
掩關荏苒度殘年
團圓喜進先生饌
嬾情甘辭弟子員
便是閒談齊物論
也堪驚散野狐禪
蜀箋著句人來進
白眼臨風意欲僊

離羣一日抵三秋
鶴氅踟躕訪戴遊
埽盪新愁欣促剗
掀翻舊話怕從頭
豹韜滿載東南箭
搭餌空垂十五鉤

研堂詩卷一

三

肯羨封侯投筆去
短衣匹馬唱涼州

滿項髭鬚笑一漙
王癡未老奈愁何
漫誇浩氣曾吞澤
難說狂瀾手障河
相扇浮虛傳晉俗
誰標幽素中唐科
鹽車縛軛今猶昔
觸處蠶叢鳥道多

旅食崢嶸幾度春
江城又是一番新
幽居空谷誰知己
入社香山豈後身
莫怪放顛忘露頂
只緣乞巧厭搖脣
腐儒欲學逢迎術
未面先愁笑裏嗔

回首吾降早挂弧
鄧林偃息歎非夫
蜚飛半榻莊生寢
湖泛扁舟范蠡圖
五白盧噉非角勝
百川鯨吸好重沽

登場傀儡紛紛是牘我長歌一事無

乙亥除夕和韻

點檢詩瓢付火騰
伊唔卒歲似癡蠅
黃門此日喧
侘子白杜無人賞
阿菱晚食自堪當
鼎肉春遊何待駕
鉤膺上關酒放兼書癖
勤撥尊前徹曉鐙

丙子元日立春同道柔起白步韻四首

今年又遇歲朝春
故國遨遊樂事新
花甲老親需橘酒
受辛荆婦賴拖仁
婦近多病
盈盤釘粟羣雛喜
絕塞搬糧勺水珍
聞運米塞上者致水甚艱
聞道詞臣嫺武事
蕭蕭沙草映垂銀

研堂詩卷一

四

今年又遇歲朝春
恰好循環十二辰
震索蒼筤堪象勺
起兒甲子生
陽回黍谷屨
恩認如乙丑故事
不須坐肺營
皋祀是處操
蹶御嗇神感激
聖朝多盛事
中原綠駟待秦豎
傳聞

廣額

今年又遇歲朝春
萬里乾坤放眼新
史紀自今多歲有
曆通蒙古定時真
新曆載蒙古太陽出入
版圖入貢光
天日帶甲開

邊匝地塵矯首羽書頻
獻捷檻車殘馘鬼為鄰

今年又遇歲朝春
雲靄寅賓氣象新
自覺口中無石闕

不知門外有車鄰
彈冠北鴈來除夕
得立素京邸書
廣坐東園趁

好辰

約人日雅集

斥鷃枋榆紛鼓舌如蘭原屬素心人

正月五日遂初堂小集用靖節遊斜川起句兼

步原韻與吳道巖諸公

開歲倏五日入林幾人休有容不速至箕踞松下遊雖
乏列侯鯖頗諧靜者流臨池和香麝縑素懷盟鷗棄捐
四方志恣意營糟邱邈若登太行王喬爲我儔玉醪傾
輒盡海棗私相酬笑問世上人生年滿百不春融凍已
釋放舟復何憂去去花溪處蹤迹不可求

二月八日鄒天復招同諸公舉浣花會并餞湘

研堂詩卷一

五

靈先生還虞山苧莊胡子赴江上次錢韻二首

浣花久矣鬪名花吹動陽春鄒衍家詩伯有神回造化

錢有祠山風雨爲吾差句

酒兵無敵敢周遮酒杯又犯葍番戒半醒方

思昨話差偶許瀛洲分一席

座中得十八人

錯疑同調入紅牙

錢鏗飛渡趁長春胡杲尋盟及此辰草聖共歡頭脫帽

花枝雙照鬢垂銀別筵計路翻相近

澄江至虞山計程止一日

傳簡杼

懷定幾巡櫻筍輕颿應趣餉瓊瑤早已播芳脣

錢先生來毗陵示諸

同人各有詩予亦承教

送道柔與其徒北遊

與君耕研春復春掉臂結客遊重闔葺季花發同就道
今季鵬徙難爲鄰五戰棘圍屢蹭蹬兩番京邸潛悲辛
饑鷹折翼向人叫老馬伏櫪安能馴惟君干鏌燄如電
康莊贈策雷與陳攫空蛟龍不可測下筆風雨誠有神
蘇黃妙手世誰似伊洛的派師傳直儒者氣象鬱年少
謫僊標格疑前身燕山紫桂逼天闕努力秋風撥月窟
市屠壯夫儻問君道坤今卧南山雲

寄懷董立素三首用友人韻

咎年同旅食日日問歸程香思江南酒風寒冀北城天

研堂詩卷一

六

池今暫息瑞木向能平桃李成蹊處誰憐松柏情

分攜十望月嬾情數行書世事隨鴻去先巢守燕居

中齋

舊額羈懷春雨夜振翻朔風餘應惜明珠炯時牽寢裏裾

從妹適立素無祿
早世遺子七齡矣

甥兮云似舅丈也亦吾師少壯心相贈炎涼客倍知史

魚歌抱玉司馬賦靡旗總是浮雲過長空一任斂

鄒子天復白子公榮過花國小齋看牡丹再疊

浣花韻紀事

花國先聞穀雨花韶光偏媚塾人家烘脂日暈三分醉

舞翠風搖半面遮客路黃梅今歲早

憶及人北
征遇雨

故園青筍

舊季筵

自記
客燕

偷閒約伴供麤糲滋味何堪入易牙

瓊枝且倩挽歸春鷗侶鶯朋集好辰看到更闌思入畫
移來月影色如銀卧遊五嶽無窮興立飲千尊不記巡
誰羨豐臺誇勝賞性耽野菽傲猩脣

訪菊同潘長卿陳道柔作

秋草欲死霜威寒秋花不落長耐看安仁秋興頗爛熳
竝拉仲舉追清歡三人連袂出東郭罡風陣陣如崩瀉
市上餅餌且大嚼熊蹯豹胎豈我餐斗室坐語日移晷

研堂詩卷一

七

窮覽恨不身生翰願得健步衆香國周遭萬點黃金攢
有酒不嫌五斗滿席地時尚雙榼盤坐景直率愜幽意
水光澹沲供遐觀歸路行歌愒中斷憶北試
諸兄弟仰見北鴈霜
天漫羽衣幻化夜入寢欲學髯老慚才難

郊外看菊摘數枝以歸拈采菊二字爲韻

行樂欲無時秋容歟已改楓落赤城標稻起玉山壘
底新折枝籬邊舊蓓蕾世事比霜華崇朝盡采采
老圃大居奇卅錢幾朶菊吾意不在多言歡豈云獨對
此綠蟻浮甕有紫螯熟爛醉優長年何須問甘谷

齋中牡丹盛開同學七人小集得檻字

繁英發空庭好爻祛共摻沉香人已遐竹林興不減燒
鐫爛筍尖炊餅廢豆躡

俗用花瓣
作餅甚佳

詩柄起清平觴政輒蹇

囁卜晝坐晴窗朝來日復黯花愁宿雨摧春恨陰雲壓
小年可夏長餘暉斜過檻

雨中集學人春暉堂以祇應與朋好風雨亦來

過分賦得風字

盍簪著大易雜佩歌國風吾輩非燕朋社酒開心聾蒼
翁何惱人春色偏窈窕并夜我送春微暉帶煙籠徐陵

研堂詩卷一

八

高會頻舊雨慙疎慵

余失約
者再矣

浮生幸得閒出門洵有功合

錦摘麗藻催花怨嗟紅家珍恣清賞奇情寄盤中杏酪
味玄澹青精氣冲融陶然疑身輕恍接瑤華宮劉伶浪
得名頌德何曾工漁父溷舖歡反騷誰似雄興闌雨未
闌散步窺鴻濛療熱有蔗漿寒芳入蘭叢窗畔數竿竹
畱客聲淪淪

歲暮雜感四首同道柔賦

浮生鹿鹿歎馳駒姹女黃溲力已驚豈爲宿醒常病齒
終無靈藥療荒鬚衝寒未覺貂蟬煖索饜堪鱸腹腴

壯不如人焉待老十季苒蹈宋人愚

敢云佞佛敢邀天到處隨緣學老禪一粒分甘憐赤骨

偶至迎春橋左見淮揚災民十餘人人給以斗米

數行持贈品青蓮有僧索余扁聯儒宗外教同

難了昨是今非盡惘然改歲放舟靈鄧路梅花叢裏且

盤旋

庭葩欄藥又槎柯隔歲春光七日賒紅子已隨寒雀盡

綠華將赴景風斜簾鉤空偃嗔奴嬾書幌塵封笑我蹉

聊整丰儀還自媿二毛早見古興嗟

高鶯篋兔總爭先放浪偏餘我輩賢屈指聯吟纔一瞬

研堂詩卷一

九

蹉跎故里又三年

苒賦在乙亥冬杪

庸才輒敢偷觀海壯志誰教

利涉川擬向衡陽悵猶豫湘靈應笑汝無緣

欲遊楚未果

上元後一日招毛行九莊雲襄陳道柔吳道巖

徐翔念孫筠庭龔衛少方拱樞徐學人過遂初

堂小集限以己姓結韻各賦二首

考槃株守遂初堂謾說藍田有輞莊畱得寒香非晝錦

還乘火樹憺春光耶筒酌淺情何厭梓澤詩成漏未長

著屐渾無軒冕意比來我爰最清狂

連朝風雨卧藜牀記起苒春翰墨場分韻頗拈工部句

知交每憶阿翁行

謂江上虞山諸先生

圖開一幀飛空翠帖用雙鉤

搨硬黃安分也堪歌種豆何須狗監進長楊

春雨

遙同長卿諸公作

飢龍初欲起凍雨未曾休臘雪畱餘液黃梅偕一籌幽
閨誰覺曉估客謾驚秋但許吟爲遣難禁聽更愁幻中
蒼狗現天際玉虹流潤灑滋瑤草波開狎海鷗陽烏東
帝愴石鷺杞人憂笠澤空長釣芒屨罷遠游花房看脫
甲蘚徑潑成油山寂香廚冷舟閒柳岸稠藍橋窳阮籍
庾嶺癡莊周祇見風飄綫那將月鑠鉤望庚期擣藥停
午趣披裘桑落還嫌薄松明久不收斷頑無劒術默坐
水雲樓

研堂詩卷一

十

同半緣飲山立堂

爾我忘骸久莫猜烏巾開釀又追陪詩情千首新春好
酒政三巡舊雨來亂骨蘇盤長劒卧落花庾嶺白雲堆
以膠投漆今如古誰道吾家不姓雷

同芋莊道柔筠庭用歐公洛陽牡丹圖韻紀事

西河種與洛陽空植根得所尤矜奇李唐衆愛已如此
今世逸士亦寶之按圖異種訝希有畢竟目餒徒園窺

醉月春又憶簪酒

子家植牡丹處
舊額春又亭

靛紅梢粉呈新枝郊埜避

舍者無算艸堂十萬增高貴折簡依舊要我爰怪殺風
雨蕭蕭時周遮翠幙怕狼籍晴薰溼醒香肥紈綺已
濯任牛馬寓物不畱吾心知擊鉢徵事趁耳熱勿使籠
鳥悠悠馳揚州牧傳洛陽韻我輩不待金魚緋海嶽螳
垤敢伯仲梅妝荆布爭妍媸咄嗟吾道媿妖豔樂哉南
山復奚疑大斗空設浪著句止酒詎語清陰移

戲翻芋莊
道柔句

宮體至今醉人骨他年寵極憎班姬辟塵瑩瑩聯辟出
瓦礫欲上將安施飯顆消瘞癩無似茶聲午枕驚予私

研堂詩卷一

十一

再鼓不作金谷議晚窗拈弄蠅頭微繁弦促管亂雅樂
大羹玄酒飜澆漓及今賢者惜元化利劍斬截猶可爲
酌花酒盡倩詩代花神爲我扶風衰

過青門邵先生話舊却寄

憶昔侍大父劔立闌題詠客攜五真圖一髯而異境

叶

讀書閒垂綸耕塋又禪定竊訝伊何人落落以自命聞
是青門翁道高誼可敬俎豆追葑賢瓜瓞起後勁風雅
絕等倫杜韓是包孕結念二十季紳交無使聘先生南
北馳賤子亦蹭蹬客秋寄一編井梧撫藁牘夜光雖暗

投盤籥頗畱心叶低垂迄今秋
溯洄漳湟徑云自幕府
歸東軒且攝靜一見能盡言
避席實悚聽勿愛西崐詞
勿學工飴飮滔滔看波靡
矯矯回風競搖撼百態呈
站足賢堅凝參伍亦從心
貧殖乃爲病此語如晨鐘
噩噩忽神醒古道叟多儀
韓才媿難竝歛我松醪醇
飯我雲子淨見我大小蘇
渥洼非面佞示我南山篇
驂驪齊角勝夕陽趣人行
月舸乘逸興歸來簡蕪詞
聊當白雲贈

秋余

同人集州
堂分賦

黑甜纔一覺輾轉爾相於
送煩情猶薄輸涼繆欲疎
蘆花酸態早繭紙素風餘
恰好容秋士橫陳月影虛

研堂詩卷一

十三

九秋吟

并引

分題後一日董子遠公兼賦六題
毛子行九補作
秋琴不揣蕪陋次第效顰廣至
九章用向金風一

肅

秋雲

盡道奇峰好秋空叟巧雲倦
飛憐傷我高卧嬾看君慘
澹天爲老沉霾日易曛有時
垂大翼斤鷄豈同羣

秋水

撈月何須海浮櫂豈必河微風成錦澱一雨散曼陀冷
澹已盈目湖洄空自多幾人千里合蘭漿數能過

秋樹

柳色從春慢槐陰挾暑驕疎條僊羽化殘葉埜燐燒帶
月情中景凝燵分外饒淮南小山賦乘興亟相招

秋蟲

幽蛩亦何厲白帝釀成之多口渾無賴長唵絮若斯齧
花香剝蝕咽露語新奇最是淡閨裏關情在玉兒

秋茶

研堂詩卷一

十三

乍疑餐落蕊香氣促擎甌尚有棊盤頂還消司馬嗾寶
朋千日醉几案一天秋豈必飛觴好臨風唱莫愁

秋衾

露重迎新爽鐘清起暮愁還思圓木枕莫認小星禡學
士偷三昧山翁占一休故宮銅輦謬誤盡老溫柔

秋琴

萬籟應夷則蕉窗復引商七弦入幽澗十指生微涼靜
嘯非關感移情不用傷依稀見姬孔羞殺舞霓裳

秋花

百卉迎陰斂幽姿遲暮開短枝皆歛露嬾子盡含胎忽
聽謠簧鼓時牽蜨陣來花心爭欲發冒令晚風摧

秋山

薦爽朝朝雨新晴處處泉清暉騰古樹紫翠滴空天簾
轡將陶令書船又米顛裕衣初欲試蠟屐正脩然

蘆墅采菱詞六首

半黃衰柳朶隄鴉枯卷殘荷憊雨畫偏有一樁乘興事
南湖采月未須賒

菰蘆灣裏艇如梭蟹舍魚莊次第過漫說城南隋港在

研堂詩卷一

十四

青山

郡北郭名

千畝碧沉多

輦刺摘來鮮帶水紫稜烹熟老生香若論品第應無兩
高蕩青黎且漫商

屈家適口口流涎清聖難方水果仙攜得一筐堪廟薦
何須鉅捰大如拳

花開背日露華滋剝實登盤三五時通子阿舒都欲攫
嶄然頭角可曾思

鄉風爭值陋如何赤脚沾泥挂短蓑遙憶雪苔谿女豔
夜淡還唱采菱歌

華亭牧堂上人將爲燕山五臺之遊過訪艸堂
貽詩索和依韻走筆送之

緇衣偏愛盍纓簪易水滹沱取次撥撒手不提拄杖子
轉頭還唱望江南

仁王閣
高僧語

未邀遊屐聲先粟頻扣詩囊筆

已酣我欲就中翻好句滄浪水接百花潭

適見其和滄浪亭
詩因翻用少陵句

可航種菜詩

江城八月紫桂叢豪家珠履烹桑種金尊玉盃雕玲瓏
清弦急管歌妖童廣場大厦朱簾櫳自詡當世直英雄
惟有幽人趣不同卜築城隅一畝宮隨時潛見安牆東

研堂詩卷一

十五

舫齋寧獨讓歐公榜書意在浮沉中終日談謔倚青桐
二三儔侶相磨礪有時閉戶註魚蟲笑指中庭學圃翁
雞冠殷紫鴈來紅葦蒿歷亂麻生蓬臺陰異種香芎藭
悅目薰心腹不充何如藝此晚秋菘作羹滋味疑脍熊
分與夙好情已豐况乃廬側沽耶筒點籌糾紛婪尾窮
目送歸燕迎征鴻忽見缺月張全弓門環白水碧煙籠
醉吟先生五柳風

研堂詩卷二

毗陵 揚 維坤 地臣

存管集

龍池紀遊十首

從雲亭

傳稱雲從龍龍飛雲不去郁紛古剎閒歷亂松澗處有
時照清泉矇矓日初曙碧蘚當路長落葉飄如絮中道
高築亭延佇相告語屣足不來遊歲月不我恕

羅漢石

研堂詩卷二

一

怪石幾百季突兀類人狀鍊之堪補天森然自相向高
尚此山中斧鑿離大匠顛倒任所處大璞完無恙不受
秦始燔不博畱侯葬米顛若相遇下拜應呼丈

娑羅樹

上古有椿樹春秋八千歲緬彼澗山中往往有靈異鳳
凰鳴高岡梧桐擢雲際遇合能幾時形神早凋敝嘉樹
隱巖阿常恐爲其繼不願朝陽生寧來埜鶴唳

百步梯

少壯良好遊登高將如何不曳筇竹杖安能臨嵒峨攜

手共騰躍回首浮雲多孤峰特聳峙一望俱煙蘿鵬徒
九萬里鶴鷄巢庭柯飄飄凌霄志乘風莫蹉跎

金竹岡

絲竹吐奇色珍之如兼金澹黃散雲錦含煙碎層陰遠
眺苦日塞聞聲怖雨侵力疾走林麓矯首遙山岑矐言
裳衣溼始知中谷澗嵇阮好清談徙倚空開襟

白雲崖

翹首崔嵬下冥濛不可測非煙亦非塵長空同一色睇
視乃良久彷彿水晶域穹窿傷九霄層折邈無極山任
雲卷舒雲起山頭匿悠悠千載餘此地長畱得

研堂詩卷二

二

分賓嶺

閩粵多峻嶺茲嶺勢亦長鄉人爲余言中山多豺狼載
歌復載笑揚策如康莊澗道坦於砥巖石平於梁鎗物
詎云矯達觀自相忘躡埵不躡山禍福豈有常

伏虎石

鉅鹿登講席頑石顛其竄此有一老人猛虎繞邴邊跌
坐得上乘高喝凌雲煙虎嘯一聲去驚起潛龍眠龍來
復遇虎交叅元中元與子竝三絕共樂義皇季

望陽臺

夸父逐日走渴飲大澤邊不知幾萬里棄杖力憊焉何
如登高臺縱目心悠然火精爍赤石流珠耀碧川朝拂
扶桑隅夕復沉虞淵四顧發長嘯念彼邱中賢

憑虛閣

高閣百尋餘不用植基址帖石爲棟柱倚樹聊飭庀下
臨心戰驚遊者罕俯視桑門悟無生飛錫常棲此凌雲
羨鳥翮羈身悲象齒安得松喬術御風靡所止

夜宿僧舍

研堂詩卷二

三

萬壑響松濤泉聲百丈高那堪鶯驟雨長夜聽猿號况
復愁無酒孤眠讀楚騷衆心生恐怖吾意倍麤豪

善權洞

披棘尋幽勝冷然逸思生過風叢竹響背雨一峰晴地
脈初分裂天心自不平

相傳此洞赤烏
年雷雨忽開

洞門聊濯足我意在

蓬瀛

歸棹

書史我曹事幽居費討尋賭碁偏愛謝放鶴癖於林別
鳥蛟龍睡空齋鳥雀吟爲言谿上叟吾已倦登臨

北行舟次廣陵訪高衛公昆仲不遇

桃花片片逐輕塵，小汎紅橋憶故人。
萬里辭家何似我，三季去國爲思親。
聞任楚中省令祖母琴臺寂寞猊香冷，畫棟空虛燕語頻。
聞說荊州多勝地，瀟湘雲夢莫傷神。

過任城望太白樓

峩峩高閣逼城阿，詩伯風流此地多。
遙揣不堪畱俗韻，登臨把酒卻如何。

阿井

何季神工力穿成，千尺泉竅源導濟。
水伏流蔓蜿蜒汲

研堂詩卷二

四

之和作膠錮疾得療，焉歲供例有定典。
守官無愆咎，在高曾時莅事人稱賢。
子阿大父曾治茲邑嗟予此行役，懷古追其先。
頽垣危狂飈，斷碣迷荒煙。缺甃半零亂，涸轍沉醉眠。
天地爲轉輪，滄海翻桑田。廢興藏至理，靜悟難言傳。

阜城題驛同雲間張子趾肇周子策銘軒三

曉風飄蕩月鉤斜，寥落征鞍溼露華。
憶得亭邊蘭蕊秀，沁涼初放幾枝花。

髣髴山崖與水隈，花飛絮舞逐塵埃。
春光一樣江南好，只苦驚鷗匝地來。

歸過長溝

又名會麟波即春秋獲麟處

長溝之水清且漣水流不競心悠然月照丹楓千澗落
風飄蒼隼一颿懸往來麟渡渾多事上下龍分各有天
與分水廟接近遙憶柴門逕如洗松筠雖老尚堪憐

長至月歸自燕都即過虎阜登臨遣興用陳其年檢討集中韻

騎馬乘船總未歇催季白日倏欲沒長至長晴似小春
出門可廢巾與鞵既脫風塵且縱遊甘心短褐揀糠粃
不向羸人求五羊一任商君恥六蠲姑蘇景象萬千新

研堂詩卷二

五

何處強吳故宮闕氣數無端車下轅英雄有盡盤中核
試劔空貽驕悍名堪笑夫差用力搯越入吳疆爾自爲
斗牛何曾有星孛我來弔古恣長嘯法界遠離塵劫罰
逍遙竟上悟石軒緬彼生公逸興發片刻心清便欲僊
釋俗忘形免攻訐泉亭移步後山腰千頃看雲盡飄忽
田家歷落如短堠楓林矗擁疑仗鉞憑高慵去躡天根
俯瞰猶能撥月窟開歲乘春好讀書卜居丈室當十笏

再赴都門

關山浩蕩豁卑栖慣聽茅檐午夜雞強飯高堂懷暫遣

牽衣稚子耳頻提原非珠履三千客止帶詩囊一小奚
驢背依然來得得征夫莽路慎無迷

沂州道中遇雪

回首鄉園花事殘春淡猶怯客衣單黃茅隔水人家遠
白馬嘶風雪嶺寒曾點襟期何處寄秦人霸業問誰看
同行蒙袂還相失獨自長歌行路難

泰山出雲

渺渺東封天柱支周遭幾許翠嵐移無心一任朝關速
有翼何愁寸合遲背郭平籠新麥色朝陽高拂老梧枝
他時霖雨應如注且耐雲蒸霧結時

研堂詩卷二

六

吳興師招同項霜田汪文升家次也諸君集飲
席上賦得魚鐙二首

白練裁爲質膳脂點欲生魄疑潛兔起神似伏龍行不
作池中物來尋月底盟何時雲雨至飛躍入蓬瀛
誰道春光去元宵此夕重天孫輸織錦道子罷描龍碧
草空明綴青綃澱澁縫令人思結網嘉旨配黃封

曉發潤江

靈風吹不定一棹過重巒旅客江湖老沙鷗天地寬扣

舳歌彼美鼓枻笑彈冠歷盡崎嶇處何愁破浪難

重登北固山悼叔氏美中少叅

昨歲行廚地原爲大阮畱幕中人已沒石上記曾遊鐵
甕層雲裏金山一浪頭仲宣悲短賦何處更依劉

晉江懷古

雙堦隱城郭魏亭峙河澹借問亭何名萬歲標遊巡長
河代若茲對面今古分吳王醉館娃謹言褒無聞鑷鏤
先浮江爲沼隨與鄰君相兩心事同付流水濱羨彼鴟
夷子避越如避秦至今湖海上風月常思君

研堂詩卷二

七

鴛湖晚眺

紅流岸樹綠停波小立遙聞鴉輒過豈是葑邨歸鳥急
艣聲飄入夕陽多

觀潮行

長江天塹今古雄岷源包絡寰區通浙水湫隘勢尤猛
越山壘翠互其東峙者靜闢翕逝者時消息二氣共轉
旋潮汐如噓吸八月十八大潮生鼉吼龍奔怒不平餘
杭城南多好事迎濤擊鼓鼙鼙聲管時賢太守爲文戒
羣醜莫投不測淵功與捍塘久至今俗尚終未遏士女

填街踵相跋窄輿輕鞞別樣嬌銀鞍玉絡紛傾奪我亦
羈遊博戲場一到江干目渺茫遠看雪捲長空暝漸作
花飛庾嶺霜疾若轟雷傳百里去如駿足獵長楊漁船
觸浪真可怖浪壓船頭只尾露鶴踏枝翻奪得安觀者
駭汗稱神護漫道近重九江邊莫輕走大觀至此天下
無十季寢想歛慰吾名山巨川盪曾臆河伯知我非狂
徒君不見燕雀禍萌在處堂城門火延池魚殃達觀久
已夷險忘且欲浮槎大海恣徜徉

吳山第一峰謁伍相祠

研堂詩卷二

八

南北一家久江山氣槩伸不推偏宋業却重霸吳人古
木甃雲路鄉儺動地塵孤忠猶抱憤絲雨灑衣巾

是日俗有香會

薄暮微雨

岳鄂王墓

勁骨千季在豐枝偃蓋中背銘傳四字心迹貫長虹山
缺誰能踏

王所作滿江紅詞中語

堂封今夏隆後來同調士齊唱滿

江紅

西湖紀遊六首

湖心亭

風雨亦宜遊浩然來湖上四望水雲重翠屏隱列嶂衰
柳礙葑坡登樓醉眼放

放鶴亭

孤山和靖居也翁有古四賢祠頤
圯殆盡其陽瀕隄近構祠宇頗衆

清瀏表裏環孤嶼據絕勝彼美臚空亭雪滿斷行逕何
處東里施捧心不自鏡

蝦蟆山

奇峰眼底開海蟾形不爽塿影倒澄泓素練曳百丈廻
撓湖遠山晚鐘發清響

飛來峰

研堂詩卷二

九

飛崖何處來上挂剡谿藤誰言欲飛去不信有騫崩動
靜識至道悠悠晤高僧

冷泉亭

秋興信已晚到此四時均石罅鳴寒蟬隔礧榮青椿隆
冬不愛夏三伏不思春

射旭洞

由此而進即一綫天故名
上有元僧蓮伽妄鑄佛像

雲竇中敞豁疑眸先正午石鼓木魚聲蓮垂瓣千數造
化直洪鑪何勞試鬼斧

漫興

六言

綠芰稜稜萬頃丹楓縵縵千林漁父荷蓑歸去數錢買

得鸞鉞

浙西人呼
鰕爲鸞鉞

歸途遇雨

面面桃源一水通煙波隨分與人同誰家送酒籃輿客
滿眼移舟箬笠翁楊柳風驚翡翠色蓼花水打杜鵑紅
幾番欲盡登臨興拄杖攜筐興未窮

姑蘇八詠

并引

北遊歸棹既有律陶之作矣嗣是汎吳舫度淞水
疲於風塵而貪於煙雨殊自放也偶從金閶訪爻

研堂詩卷二

十

過才子亭蓋六如先生之墓在焉因翻集中八詠
原韻率爾學步不自知其筆墨之譎陋也

天平山

登山仰天忘其高扶搖欲上摩重霄三吳雄鎮此爲首
羣峰拱翠飛虹橋方言漫比朝天笏杜甫視若兒孫立
我道觀山趣不同一在高原一下溼

姑蘇臺

姑蘇簇簇錦繡城此臺獨擅專城名百萬雄師茶火陣
三千翠幄琉璃屏江雲一片巫雲色反掌吳宮爲越國

臺空歌舞付東風，賸有寒蛩和促織。

百花洲

百花洲上花不開，長蘆蔓艸哀鴻來。
香水錦颿成底事，問花無語空徘徊。
鬪豔爭妍誰是主，魏紫姚黃壓杜宇。
一季一度總飄殘，相妒何須恨風雨。

桃花鵑

桃花菴在桃花鵑，詩畫風流足千古。
瓊垣荒樹亂啼鳥，庭空花落隨風舞。
誰識江南第一才，知音今日廣平來。

中丞宋公
建亭題額

名人題目斗杓似六如，聲價高三台。

研堂詩卷二

十一

響屨廊

內荒誰似吳王甚，虛廊響比裂繒凜。
香塵雲繞醉中遊，豔骨魂消長夜歛。
貼地傳音雙鳳間，尤物移人見一斑。
他日鴟夷同載去，須知吳沼爲紅顏。

寒山寺

楓橋漫說紅塵路，寒山古寺藏煙霧。
維摩習靜掩關深，門外不聞人迹度。
疎鐘響徹本來無，霜天逼曉樹糝糊。
舉頭忽見西歸月，驚起栖枝萬陣烏。

長洲苑

長洲苑葬長春色湖畔青青莎艸溼狐宮兔窟尚埋幽
高置迅騎何季集遊人到苑吹笙和好聽吳兒唱越歌
編成攜李夫椒事循環飜覆如流波

洞庭湖

湖入洞庭景已極倒涵七十二峰碧披巖橘柚染霜黃
浴日鯨波點鷺白山潑人靜不知牽洞天妙境誰能傳
偶讀道書思道侶招尋欲上釣魚船

重陽

九日遊九龍山五首

最憶龍山靜偏逢此日忙樓船疑戰鼓夾道却戎裝

提帥

研堂詩卷三

十二

新至埜店泉沽白官廚豕炙黃明朝千騎會

用權德輿詩

擬作小

重陽

第二泉名舊經過客細嘗品題追陸羽灑翰重今皇

潔甃春膏潤雕闌曉日先璇宮持獻後

駕香時曾以此泉馳奉母后

千古

味生香

泉亭

勝地時相引飜疑佛有情竭來皆過客錯莫見無生月
照方池靜鐘鳴古樹清任他塵土意到此欲何營

惠山寺

爲訪名山水名園日日開騷人題罷去浣女笑還來石

瘦谿流響雲淩竹影廻相投能下榻隨意近樓臺

秦園

駐屐沾晨露移舟已夕曛提壺鳥名催拉客把酒憶論文

月落空天半香飄靜夜分寤歌誰贈答翻喜倩紅裙

重過江上夏氏南園二首

手擎兒曹問舊遊水灣橋斷徑偏幽十季往事渾如響

兩度來人豈姓劉最愛竹溪堪避暑不嫌梧落夏宜秋

主人若得平原在遮莫歸舟盡日留

時瞻圻姊丈
久任寧夏

魚鳧亭子石巉巖畱得桑麻未可芟

鷗汀先生
喜課耕織

依艸織孃

聲屑屑隔谿田父語誦誦風催流火知夏戍鴈到咸陽

待一緘只爲懷人長徙倚幾回矯首看松杉

研堂詩卷二

十三

吳中雜詠

滄浪亭

江南二月天飄瓦十日積撥悶苦無時揆幽伺雨隙駕
言欲何之刺舟姑蘇驛僦寓桃花菴看遍菜花陌喧
夜未休金鴉乍展翮主人爲予言乘興理遊展城南有
佳地新構實古蹟滄浪漁父愛廣陵爰啓闢南園久不
廢長史因卜宅化作蘄王宮復駐詩僧錫俯仰五百季
廢興疊在簪薰風忻南來幕府望咫尺小隊偶一過慨
焉重庀飭木屑捐俸錢子來助擘畫中軒敞三楹魚樂

我亦適自勝乃勝人步碕省跼躅

記亭間
所題額

芳艸綴平臺老

樹盤怪石畫舫纏谿邊米家便登涉賦詩追歐陽作記

準項脊雜沓任遨嬰遮道不爾辟微旨却可窺借民登

衽席小儒拂仁風歡喜動顏色

靈巖山

山不在高僊則名水不在深龍則靈夢得此語豈爲謬

何季鑿空煩五丁興慵百里天涯遠得擬良辰恨來晚

艤舟沙岬雨飄絲蠟屐冥揆慰我思行行僂指西子洞

盱衡千古興亡時采香響屨箭湖射琉璃滴翠涵空碧

研堂詩卷二

十四

淮南古桂蔭滿庭樛枝颺入聲泠泠雲堂粥鼓千人聽

煙光滅沒漁鐙青來朝續遊倍仔細激越琴臺快新霽

峰廻徑仄鬱茅莖玲瓏嵌空佛螺髻誰家粉黛紛如麻

冷遊浪說鹿門車安得虎迹斷俗客一瓢一笠餐高霞

范公墓

近天
平山

大賢宥食報世世重明裡憂樂家天下婚喪子衆人鑿

山知得艮望嶽湖生申夏有停車處環橋白水粼

山園從舊築小景自成文圍沼長廊曲當階細草薰晴

先穿偃蓋佳氣散氤氳聞說松峰頂高僧卧白雲

法螺菴

次韻子
俠君韻

籬疎徑曲武夷形况有煙蘿擺月庭蓮瓣籠紗離火地
桐陰畫幃引茶星花開別院香先到目注閒門足未停
何日移家謀小築葛衣蚤晚聽談經

華山

衆山同培塿刮眼見千仞落石變態奇叢篁宿雨潤一
望僊人樓小住支公峻欲上

上聲

蓮華峰歸雅飛陣陣

虞山絕句十二首

汎舟力疾未須患雨脚廉纖興轉慳
畚耨故人陳仲舉

研堂詩卷二

十五

息息賺我到虞山

何曾止酒壯心灰權讓劉伶酌淺杯

有疾
節飲

一夜蒼茫雲

水竊轟聲幾部聒如雷

夏木幽禽靜不譁晚風殘照到山家
插開秧馬連千畛

一棹橫斜蹴浪花

尚父湖頭暮景幽水田煙雨計銷愁
斟來宿酒推篷去

戰罷藏鬪對榻休

陳大道柔白二楚維
同上湖田二樂閣

荒墩古樹倚城隈薤艸栽花匠石才
博望招賢千載後

何人背上讀書臺

昭明讀書臺近爲憲
府新葺門禁不得入

澗從龍破梵宮開騷客多情揜手來萬丈泉聲渾不歇

六朝松雨壘相催

馬大莘客招遊興
福古蹟夜即宿此

海內論文第一倫停雲促席見情真風流磊落爭誇絕

多是攜琴載酒人

單三旬揚歸大松期及
弟端士招飲聽向揚琴

誰將秦嶺巨靈斧劈作琴川兩劔門大米若來應具笏

龍團滌研細評論

拂水騰空天下傳鶴來龜去幾多季詩家蒙容今何在

小憩蘧廬理舊編

天外凝眸極四垂颺風廻起紫瀾時誰將淮海澄珠手

研堂詩卷二

十六

譜入千巖萬壑詞

秦少游望
海潮詞

去思石畔幾低徊虬結雲根爪碧落上古靈椿堪髣髴

大季端的遠塵埃

一邱姬仲地神奇半入城闈半水湄謾道山靈能變色

陰晴蚤晚總相宜

挽錢湘靈先生二首

驂雲駕鶴渺難回歲宿重明識本來三教總持誰繼起

中原文獻自今積董狐載筆先先碣

為先大
父立傳

李白空尊冷

舊醕

與先伯父
論文最契

料到泉臺還執手荒園淡樹尚悠哉

浣花主爵許追隨杖屨春風處處空雅為憐才收躍冶

何須納贄始稱師孱顏拂水千秋業虞山人士為先生立
詩文塔於拂水巖婉戀

微泉一首詩向候先生於微
泉閣荷賜長句河畔青青跪地柳依稀醺酒送

行時丙子
春事

再過蔗菴講師三善堂

小橋東畔浣花谿卉度精蘭許再栖拭几無塵常對鏡

停驂有路不衝泥秋英奪盡春英色玄鳥翻成白鳥唳

珍重高賢佳會處佛鐙枯照舊雷題荷晤蔡九霞先生於此見
示佛鐙枯照州玄人之句

研堂詩卷二

念重高賢會荷晤蔡九霞先生於此見
示佛鐙枯照州玄人之句

對觀亦不爾荷晤蔡九霞先生於此見
示佛鐙枯照州玄人之句

小橋東畔浣花谿卉度精蘭許再栖拭几無塵常對鏡

再過蔗菴講師三善堂

向取餘贄飲荷晤蔡九霞先生於此見
示佛鐙枯照州玄人之句

何須納贄始稱師孱顏拂水千秋業虞山人士為先生立
詩文塔於拂水巖

微泉一首詩向候先生於微
泉閣荷賜長句河畔青青跪地柳依稀醺酒送

行時丙子
春事

研堂詩卷三

毗陵 楊 維坤 地臣

存管集

安陽山莊

我家小西山茅堂古時築牆頭挂女蘿籬角覆慈竹陰
崖別有天側徑幾迴復想見丁卯橋髮髯子午谷種秫
滿東畦得酒三百斛鄰翁早叩門持筐掇谿藪共醉雜
諧謔不辨豕與鹿

過長腰山園拜光中丞太僕兩公塋下誌感

研堂詩卷三

一

行處風光好傷情起故園松楸空自老鳥雀近人喧水
白穿中谷山青逼後軒幾時重振作勿替舊蘋蘩

飛霞閣晚眺

面面雲峰起高臨十畝間塋牛多病瘵田父輟耕閒覓
菜過荒圃看松得遠山凭闌春思宿日暮不知還

讀史三首

趙氏孤

嗟哉立孤難孤立程嬰死爲善望報耶立孤事乃已

三閭大夫

受讒生不白愛國死猶淡骨爛羅江底蛟龍護汝心

卜和

荆山得璞玉兩獻則雙足玉出耀人間足斷不復續

詠庭柏

先大參
手植

咎人騎鶴去騰有老虬枝百尺連雲靄千層蔭碧滋風
來波洶湧月落羽差池他日盤桓者猶懷樹木時

題松陰相馬圖小照

季來疎放遠風塵樵牧天涯往復頻自有書囊包萬古
獨敲斗笠過三春山間老馬誰知已松下清風不負人

研堂詩卷三

二

瀟灑衣裳從所好丹青何用染吾真

題花國小齋壁

地僻何須更絕交畫圖開處結書巢病仍對月應無恨
貧有花開足解嘲幾樹高松藏翠羽一林疎竹引丹苞
自耽埜趣無多望畚免傷人笑斗筭

種花歌

閒居少塵事種竹亦澆花疎密識妙理清幽選奇葩買
花不厭遠况復鄰翁家杖頭錢豈惜願得花滿車攜歸
藥欄曲悠然落日斜先民有良言寓意在物華何必登

太行王子共餐霞

過圃翁家觀牡丹戲贈

香風頃刻過，蠶衙彷彿瑤臺燦。曉霞自有清平傳本調，
直將富貴與貧家。玉樓有種成荒艸，金谷無人浪著花。
漫說傾城何處覓，只今衰朽伴靈媧。

夏日近園小飲

避暑淡堂搖白羽，煙霞散人相爾汝。隔花短策自能攜，
出水鮮菱不須煮。冰簟匡牀生晚涼，中庭明月窺書廊。
酒酣大笑出門去，直欲披髮凌高岡。

研堂詩卷三

三

午日友人索句

杜門眠永晝，隨意踏蒼苔。乍接新詩好，兼逢舊雨來。續
騷清調足，競渡錦颿開。屈子何爲者，千秋只夜臺。

集舍弟歛齋中

初月清光小，流螢逗捲簾。杯深情未足，坐久話頻添。茗
出雷鳴苦，桃分露井甜。論文還勸酒，松頂見銀蟾。

秋曉

莎雞剛動砌，花間此日賓。鴻已入關積霧不開，連夜雨
流雲如過萬重山。料量庭艸誰爭長，點檢書籤獨自閒。

閉戶且教塵事遠勞勞車馬幾人還

秋日歸自白門撫琴有感

敢將焦尾向人鳴一點僂風指上生記得秣陵明月下
坐聽蕉雨帶秋聲

舟中間笛

十里橫塘楚客遊滿船明月一天秋誰家玉笛聲聲急
吹散寒鴉隔岸愁

有所思

出門訂金蘭閉戶甘苜蓿每懷管鮑交此風難再復一

研堂詩卷三

四

見傾肝膽轉盼生蛇虺世味久方知不如抱幽獨默默
荒階卉萼芳未盈掬

懷筮江上先生

總角時相見先生氣薄雲座中羅四爻筆下掃千軍煮
石餐朝露開林帶夕曛遙傳松子閣老愛愛鷺羣

懷夏大瞻圻姊丈

叅軍今北去詩興復何如風月誰爲主林泉我獨居詩
畱蕭寺古月墮廢城虛鴻鴈清霜外交情重尺書

上元夕家謙

鐙舟舞影是兒嬉
管日含飴尚可思

予自幼撫於庶祖母

四世還瞻

霜整節一季
午見月圓時
甘分紅橘香
先透手製烏麻
味自知
冉冉韶華三十過
鴈行徵逐已遲遲

擬鄧尉撥梅未果

春來凍合滿山谿
破萼凝寒齊不齊
天漢相逢緣却淺
僊源欲往路終迷
星馳驛使還遲寄
雪踏詩人且漫題
堊杏園桃都笑
徧爭如瓊圃玉為泥

五日三詠

艾虎

研堂詩卷三

五

卓午能作威
瞥眼同腐艸
紛紛苛政徒
猶恃多牙爪

蒲劍

誰把大阿青
厭此天中節
薛燭逢趙高
直贖焉能別

鍾馗

鍾君亂毛髮
吾亦具髯鬚
君死能攫搏
吾生受擲擄

閏五日寄道柔二首

那堪鸚鵡鬪
機鋒金鼓喧
闌節再逢去
歲燕山隔一度
好將此日倍
還儂

兩番輕掉出
如雲好事頻
催吊屈文鷗
狎一羣偏讓我

龍頭高據却輸君

別時示武黑龍潭登高詩

喜雨

水氣騰空際池塘漲綠時
土花侵路發樹耳趁陰滋
漁唱詩中畫犁眠畫裏詩何勞
蘇太守巧作記亭詞

雨六晝夜不絕

獠奴蚤出門褰裳兩足赤
歸言市中人坐立架重席
魚價賤如泥薪值騰抵僻敗垣傾
略盡甕牖僅存尺最駭
河濱居階除成大澤庭柯且艤舟
下牀便蠟屐兒童多
號嘯雞犬竝跼踏余尚徂處
堂聞之心屢擗屈指雨來

研堂詩卷三

六

時今已六七夕初起片雲黑
中有一聲霹仰看屋上烏
須臾噴蜥蜴久乃不爲意
大小類潮汐試憶十日奔此
雨真玉液如何蛟螭狂
溪闢竟無斲又憶十載奔先早
後水積萍翳胡不仁
茲復布韞陔農夫隔郊垆
甘苦未得白遙以勢相度
爨煙自狼藉東南民力疲
恩書頗絡繹
天道善飜覆補苴復何策

久不撫琴新霽抒懷感而有作

春去愁長在神來技便工
乾坤千里外消息七絃中山
葉還凝碧江花轉放紅
攜筇嫌徑滑敲枕怨詩窮
惠遠

良辰到成連逸興同希聲追大始無語悟將融誰是知音者檐前鳥弄風

荜泊二首 六言

稻熟犁翻種密月明犬吠音稀睡鴨未收池上誰家擊水驚飛

蕩漾青帘隔岬畫橋酷似西湖屋角喬林霞起谿邊斜柳煙鋪

歲除四絕句

一季幽恨向誰論雪月梅花故故親兒女不知人意嬾

研堂詩卷三

七

促描金勝貼空春

守歲團圓又兩巡

去夏歸里
尚未遠遊

圍爐煨芋未曾貧雲屏側立

雙鬟小那作朝雲一輩人

家家媚竈告天忙漫把愁腸當熱腸羨殺浚山無曆日
麟經多事紀春王

秋霖橫溢了無端

省試途
遇水厄

何必沙場獨膽寒聞說中官西

向去賀蘭山缺雪中看

哀從姪丙南

燕雲薊月結愁長痛殺吾家十二郎抔土未完生死事

姪以母氏早
喪心病不起

虛名還挂有無鄉十季琴劒身孤影半載鸞

風竊一場

從父遊京師者十餘季
季已踰冠今春纔婚耳

誰料驪歌成永訣

予客燕將歸
姪來一別

招魂何處問巫陽

耿蘭未報却驚疑天道無常竟至斯海外訛言寃自白

先是從兄有東
坡海外之傳

河西慟哭數偏奇輓郎最慘萍蹤客杯酒難

澆反服時聞說遺娠應可信孝思空有孝思兒

白雲渡放生即事

一泓春水活如環切利輪迴咫尺間解網曾傳州守孟

唐刺史孟
簡故事

勒銘應有魯公顏空濛綠惹游鱗起潑刺聲隨

研堂詩卷三

八

漱玉潺湲說此中涵聖澤

用皎
然語

詞人幾許托投閒

惜梅二首

莫問春山樹亭花看漸稀魄柔經日淺骨瘦賸香微蠟

綴依依在綃裁欵欵飛羅浮纏曉寢駐屐入巖扉

冒寒狂士興遙憶故人情

去正初旬
曾在鄧尉

繞磴疑團雪隨流訶

散瓊有綠牽鼻觀無賴恨風聲世態天公學誰爲療妒

羹

北郭荷亭

半畝塘開北埜偏澄波皎日鬪娟妍涉江采采徒勞遠

呪鉢生生亦近玄，壓倒太華峰頂色。濯清五沃土中鮮，獨憐香水淒涼處。不見當季竝蒂蓮，有感近事

紅繡毬

鎔認炎精那復猜，流珠海畔駕雲來。獨標秋令羣英色，不逐花王頃刻開。白者牡丹同時蹴踘場中誰攫得，瓊瑜席上幾翻回。無香莫似眉山恨，取映蘭陵琥珀杯。

秋海棠

秋花的是水金精，玉露融脂粉汗輕。有態何須憑月襯，多情偏不爲春生。濃憎杜宇三更血，澹倩蓮房一樣清。

研堂詩卷三

九

蜀種高枝應起恨，恐教子美賦嫌名。

賦得餅中早桂

白露團黃雪，西山寄一枝。此花來自安陽山莊銀宮初現影，蟾窟欲

攀時斫。借吳剛斧，香繁大邑。羨匡羅金色，映茗椀綠沉。滋端好樽，卉翫蕭疎。畫裏移未堪，籬菊伴。揀共海棠攜。先發迎人意，孤芳祇自怡。風霜還挺秀，續奏小山詞。

中秋之夜，階卉素芳淺紅，爭妍呈豔，其如月色微沉。老吟有興，繪句無情，忽於寢中得起，結語

醒時足成一絕，兼疊後章。

玉手摻摻舞白霓笑他黠女號玄妻比肩却有爭榮意
醉臉妖姬故故唬

厭說今宵奏羽霓銀宮謫去有窮妻祇看著雨花真活
巧語佳人莫浪唬

偶成

艸堂清晝永梁燕語喃喃茗煮黃梅水衣裁白苧衫和
陶今亦古憐杜瘦猶饒昨日翻詩艸支離半已芟

白華四章

為魏孝子

白華有韡九龍之腰德門有美信陵之苗父也無祿

研堂詩卷三

十

母也食藿巢成赤烏哭助雙鶴

榮榮哀鴈獨叫求曹母氏遘疾寤辟心勞我肉可剗我
血可濺天不賜算我戾曷道

勿謂無靈金滕請代勿慮無養元方尚在豈不全而歸
曰予維母之愛

倚與梁谿華寶不纓嗟爾黃巷與德為鄰坎曾竝表繫
項同旌錫類爾後廣厲悖倫

附變體

題永慕圖

一言至十言
效空同體

嗟永慕孫孝子今人而古賈業而士剗木說丁蘭繪圖
今見此長塗雅便奚囊歲久重加整厄幼不逮存兮何
知圖成上瞻兮如生矣嗟乎子孫賢否胡不齊赭紫金
黃頰上三毫起君不見什襲塵煤棄如屣

存管集三卷皆研堂三十以前作也昔司馬子長周
游遠覽而成史記蓋得力於二十以外今研堂所歷
不減子長山水文章友朋性命其見之篇咏得力於
三十以前於古人孰勝正恐子長而在重肆力於有
韻之言未可知也聖人臻立境三不朽已在其中餘

研堂詩卷三

十一

事作詩人韓修武已言之矣康熙丙子春日東村弟
胡香吳識

研堂詩卷四

入律陶
咄陵
楊維坤
地臣

歸田園居

有引

曩見謔菴居士有律陶詩黃子虛復廣之為律陶
兩纂竝以歸田五章冠諸編首言志也余癸酉南旋
舟次從篋中按得靖節先生集三復之下不覺助
我放懷因欲效顰兩公以誌歸興而得句倍之然
續貂之誚知不免矣

研堂詩卷四

去去當何極久遊戀所生勁風無榮木來鴈有餘聲
溪得固窮節不為好爵紫息交游閒業庶以善自名

微雨洗高林迴颺開我襟稱心固為好苟得非所欽
汲魯中空遙遙沮溺心山川千里外懷古一何深

三

人生似幻化霜露榮悴之少無適俗韻懷此貞秀姿善
惡苟不應巽坎難與期願言詢諸子何事繼塵羈

四

達人解其會歸去來山中飲酒不得足賦詩頗能工揮
盃勸孤影含薰待清風靜念園林好回復遂無窮

五

虛舟縱逸棹寒竹被荒蹊先巢故常在違已詎非迷中
道逢嘉爰季饑感仁妻不眠知夕永束帶俟鳴雞

六

奔途當幾許計日望舊居高莽渺無界新疇復應畚
無揮金事終返班生廬有志不獲騁委懷在琴書

七

研堂詩卷四

二

敝廬何必廣州屋八九間有客賞我趣高操非所攀家
爲逆旅舍性本愛邱山久在樊籠裏悵悵獨策還

八

江山豈不險風氣亦先寒四時自成歲一心處兩端正
空委運去求我盛季歡嘯傲東軒下余襟良已殫

九

丈夫志四海猛氣充長纓咄咄俗中惡吁嗟身後名昔
松冠巖列歸鳥趨林鳴始覺止爲善緬焉起澗情

十

今朝直止矣不樂復何如洲渚四緬邈艸木縱橫舒或有數斗酒頗迴故人車命室攜童弱披榛步荒墟

詠花五首

玉臺凌霞秀荒路曖交通在目皓已潔此林榮且豐養

直衡茅下見別蕭艾中漉我新熟酒

俗用
入酒

含薰待清風

右木香

丹木生何許汎隨清壑廻靈鳳撫雲舞林鳥喜晨開重
離照南陸三四火星穢何幽不見燭鄰曲時時來

右石巖

研堂詩卷四

三

孟夏艸木長薔薇葉已抽了無一可悅固爲兒女憂養
色含津氣素標插入頭南窗罕悴物明日非所求

戲語
弱女

右醪醖

新葵鬱北牖中夏貯清陰於今甚可愛過足非所欽落
葉掩長陌凱風負我心雖無九重秀聊用忘華簪

右蜀葵

風來入房戶挹露掇其英清氣澄餘滓夜景湛虛明少
無適俗韻生有高世名不以喻君子寒花徒自榮

右秋蘭

南邱觀禾

以下丁酉續入

迴澤散游目解顏勸農人茅茨已就治良苗亦懷新歲
月相催逼江湖多賤貧試攜子姪輩從我潁水濱

卜居

了無一可悅心念山澤居量力守故轍新疇復應畝既
耕亦已種少許便有餘多謝綺與角君情定何如

題照

虛舟縱逸棹浪莽林野娛濁酒聊自適好風與之俱但
餘平生物誰謂形迹拘去去當奚道慨然念黃虞

研堂詩卷四

四

為兩兒解嘲

俱以病不與省試

久在樊籠裏縱心復何疑弱齡寄事外壯節忽失時天
道幽且遠人間良可辭悠悠待秋稼霜露榮悴之

二

落地為兄弟蘭枯柳亦衰榮華誠足貴得失不復知一
往便當已長風無息時念之五情熱何事繼塵羈

三

我無騰化術飛鳥相與還常恐霜霰至吾生夢幻間春
秋多佳日藥石有時閒命室攜童弱一欣侍溫顏

遲虞山衛霧巖過草堂賞桂

故人賞我趣深谷久應蕪樂與數晨夕慨然念黃虞奇
文共欣賞緩帶盡歡娛茲契誰能別關河不可踰

二

皎皎雲間月此林榮且豐觴來爲之盡迴復遂無窮擁
懷累代下流幻百年中君其愛體素所樂非窮通

日者某歸里約再至不果意其他適故嘲之

東方有一士歸去來山中被褐欣自得荒路曖交通欲
留不得住當往志無終善惡苟不應願言躡輕風

研堂詩卷四

五

留不得有盜而漏網者家人祀神詛之是夜里中良家
子疾革聞半空有聲呼赴某家讎至再答已氣
絕集此紀異

螟蟻恣中田鬼神茫昧然託身已得所來會在何年鷄
鷄豈足恃鍾期信爲賢明明上天鑒仲父獻誠言

予草
誼文

文共欣賞緩帶盡歡娛茲契誰能別關河不可踰

皎皎雲間月此林榮且豐觴來爲之盡迴復遂無窮擁

遲虞山衛霧巖過草堂賞桂

贈言 附四卷

喜再晤地臣世丈奉贈 虞山 錢湘靈陸燦

二十餘年奇字居交情中翰倍憐予 令伯中書君與予交最善 偶然一出

歸思樂 鳥名見元微之詩 賸有三言海大魚每到花時揮舊淚喜逢

君輩讀遺書雄文似者傳家事會見飄搖薦子虛

地臣道丈過訪見示佳集即次集中諸公稱祝

韻奉贈 長洲 蔡息關方炳

桃花片片逐行塵把袂忻逢上巳辰才擅長卿驚作賦

座慚文舉未留賓春深茂苑吟芳草路接毘陵日去津

贈言 附四卷

六

却怪蕭蕭風雨夜佛燈枯照草玄人 時寓桃花塢後園繼慈上人處

寄懷二首 又

西蜀亭猶在門應問字多談經常載酒作賦更徵歌舊

弃盈青史新垣長碧蘿所耽惟筆墨非為愛鳴珂

清風明月際時咏研堂詩愛是才人筆因深舊友思 集中有錢

湘靈邵子 括囊新句好種菜可航宜有客來看竹休教下榻

湘六序 遲 適有詩友過毘陵

喜再部此到世丈奉韻



